

識遺愛

張 清嘉靖間任性簡靜督課不懈陞 安瀾  
府教授臨岐諸生亦脫履焉

翼乘卷之七

祭義部一

學宮志

論曰祀孔子以太牢自漢始也天下郡國建立  
學舍奉孔子亦自漢始也尊孔子為先聖顏子  
為先師自唐始也七十子從祀亦自唐始也封  
孔子以王諸弟子以公侯伯亦自唐始也至於  
本朝易王以師易像以本主易公侯伯以子  
自 世廟始也易十二躔豆以八亦自 世廟



始也落聖之有祠也有配享也亦自世廟始  
也於乎學以羣士也而士不羣學每朔望廣文  
一升堂有司一謁廟而已不聞有講肄問難之  
事矣士之方領矩步而委它其中若牧兕芻豢  
利薪其下此士之所以多譁也魯頌有之無小  
無大從公于邁載色載笑靡怒伊教惟在士之  
師師哉

文廟自後唐長興三年創于縣治南為澮所浸  
宋天聖八年潞公文彥博令翼徙置城西北偏

即今地也公自為記云聖宋四葉上繼明之五  
年彥博以進士舉中甲科得大理評事宰是邑  
秋八月二十九日始蒞事宰令始至則郡縣之  
祠廟悉詣之恭於神訓於政之本也由是詢於  
邑吏質之縣圖載祀典享廟食者惟宣聖之祠  
焉翌日伸祠謁之禮已事而退立於廡下觀其  
石記即後唐長興三年創是廟也歲月滋久廟  
貌弗嚴屋瓦皆隳梁木其壞上不庇於風雨下  
不容於俎豆縣署直其北裁十數步日有敲扑



之宣滄水流其東不三四尺歲虞漂溺之患雖  
賢哉田也不改其享君子居之何陋之有而守  
土事神崇奉之禮豈不闕與乃謀於屬僚規是  
改作方營善地將構新宮而縣西北隅適有廢  
廟俗若承傳為湯王行宮事出不經理無常祀  
既絕萌孽之薦鞠為荆棘之壑像設都亡廊廡  
全陽獨有正殿巋然中立雖冊至已晦而薨棟  
頽崇異乎哉天將以斯室遺夫子耶不爾則胡  
為十室九廢而獨完茲中宇虛其正位者安所

俟乎且其即是遺構以正宮樞之生起茲顏風  
以崇數仞之墟踵其故以謀新村則易備變其  
本而加飾工不告勞命雍氏以迄東集投入而  
塗墍興廢起墜務實去華昔之湫陋者兢兢而  
雲廡矣晨之荒穢者殖殖而砥平矣翼以東西  
二室增之屏樹開闢九屋壁之間堵數盈百危  
昏中而戒事三南至而卒功動適其時不惑於  
素邑人張會元以文行稱於鄉曲累舉進士敗  
於番成運殫事違退而講授一日觀新廟之既



成以列像之末備乃率其徒躬營其事明年春募工於別郡得繪廬宣聖暨十哲之像逾十旬而告就八月卜丁釋奠之禮蒞之且曰能事畢矣不可無聞於後蓋書以志故述其經始之由直謹夫歲月而已杜牧云稱夫子之德莫如孟子稱夫子之尊莫如韓吏部孟子所謂生民以來未有如夫子賢過堯舜遠矣韓所謂自天子至郡邑守長凡而拜跪禮如親弟子然則夫子之德之尊韓孟言之詳矣今茲為記是用畧諸

金天會八年冬杜德機元至元十年冬趙思忠三十年令劉源至正十五年達魯花赤俱革治之至沙班敬罪埋其頽壞益以丹漆元進士絳州判官郭德濬有記不載

本朝洪武五年丞薛大賻天順年令王珪相仍增葺至弘治十五年令張忠復修之軒豁洞達煥然改觀矣修撰倫文敘有記云夫子之道如大明麗天萬古不昧凡秉人文而圖王治者舉當拜遺像肇皇休光于數千載之上况夫郡縣



士大夫與有行道責其於本源之地才雋所由  
勸沮可獨後耶翼城舊有天子廟淑隘弗稱予  
同年進士泰少張君忠泰令是邑既三載政治  
民孚乃請巡撫都御史何巡按御史廬二公得  
從便宜區畫不旬月辟村畢具卜以私治癸亥  
十有二月初一日命工經始廣正殿為五楹兩  
廡各十五凡若干楹重門前御講堂後闕齋室  
碑亭厨庫之屬咸就位置堂地舊阻坎先時崇  
之用縱其址前臨通衢東西揭儒林明教二方

以肇厥觀將訖工會令遷安化羅君璋承乏繼  
而完之越明年十月十二日落成訖工弘淑輒  
與視舊倍之觀者咸謂令能厚其本原以勸士  
類庶幾翼城方來之多才也夫人才莫喻于唐  
虞故夫子云唐虞之際於斯為盛翼城唐虞所  
封之地臨河興歎而返是豈夫子之心哉今改  
作維新使多士思齊當世想像遺風卓然以德  
業著聞真足以稱我 皇明之治遠追九官十  
二牧之跡然後夫子在天之靈樂乎所止而一



時興事之賢尚亦與有榮哉

嘉靖八年 詔去聖賢像用主并去其封爵改  
文廟曰先師廟十年建啟聖公祠二十六年建  
名宦鄉賢二祠三十五年遷建唐侯叔虞祠四  
十四年建單侯遺愛祠其潞公祠舊為帝君祠  
則正德間督學陳鳳梧改建也供祀於學宮  
西城下為射圃有觀德亭三楹嘉靖三十三年  
督學陳斐檄縣令劉光遠建也諭博宅西為學  
倉景泰四年令王剛建也社學坊里俱廢矣

儒學建置與文廟同金天會間令孫九昌增新  
之邑人翟文中有記不載

本朝弘治十五年令張忠益加葺治北抵鍾樓  
巷西抵城東抵民廬南即文廟也明倫堂三楹  
置文廟後東西房各一其南為庫貯祭器然禮  
樂器數堂故弗嚴今多散亡矣兩序為齋各六  
楹東曰日新西曰時習掌教署在堂西考碑則  
元沙班敬昇建也分教署一在堂東一在堂西  
之西又之額祀遂以諸生講舍為之考志則嘉

靖間鄆令所增修也儒學門舊於廟西今改置  
東亦鄆令君所建東榜曰禮門西榜曰義路今  
並行焉

敬一亭在明倫堂後嘉靖十年令張廷實所建  
亭中碑勒

御製敬一箴及五箴解

尊經閣萬曆三十五年知縣崔儒秀創建

泮池在櫺星門南萬曆三十六年知縣崔 創建

順治十年知縣胡獻瑤因文廟學舍風雨頽  
圯公議修葺觀瞻聿新

鄉賢祠在單侯祠左順治十二年公舉上官文  
孝公晉祠時建祀古今鄉賢二十二人有石記



翼乘卷之七

祭義部二

群祀志

論曰山川社稷百神之有祀也遵王制也八蜡  
之有祀也行古之道也報之也舜帝之有祀也  
近歷山也介之推之有祀也近綿山也關繆侯  
之有祀也尊忠義也成湯之有祀漢文之有祀  
也所過者化也衛社之有祀也寓宅也魏武子  
之有祀也采地也亦思之也華池灤泉之有祀



也自喜來始也亦報之也后土之別有祀也為  
漢武帝祀后土於汾睢也因之也風伯雨師之  
別有祀也為堯孽師之出師也神之也東嶽之  
有祀也帝孫也玄武之有祀也水神也敬之也  
為壇祀者四

社稷壇在北門外水清鎮西隅周圍一百六十步  
明洪武四年令李諒建

風雲雷雨山川壇在城南阜周圍一百八十步  
薛大防建

已厲壇在城北周圍一百四十步洪武八年令  
王源渭建

鄉厲壇在各里多廢

為廟祀者曰城隍廟在縣西洪武二年令李諒  
修之正德五年令蔣瓚增葺邑人王泰記畧云  
郡縣之有城隍所以保障禦留捍患有功于民  
甚大故自唐以來建祠以祀其神第像以主木  
之偶而封以公侯伯之爵雖所以致崇極之意  
然神之為德無形無聲豈土木可以意求而國



家封爵之所可加耶洪惟我

太祖高皇帝混一寰宇稽古祀神之典乃於洪武庚戌詔天下郡縣更修城隍祀郡廟儼郡治之制縣廟則與縣治同焉斷自宸衷代泥像以木主止稱府州縣城隍之神太洗前訛一代之典卓乎不可尚已於時翼城知縣李公諒因其故廟修而新之是後洪熙天順成化間雖嘗一修但治其弊而已歲月滋久上雨旁風祠宇毀仄堂陛頽落不稱神明之居且創始之際規制

卑陋正德二年冬高唐蔣侯瓚以鄉進士先知太原之繁時當道更賢來蒞於翼誠以事神明以治人至明年政通人和一日躬謁祠下覩茲凋弊欲圖改作民聞之樂輸者雲集于是乃選耆老之謹飭者司其出納而敦其事鳩材訓工畫撤其地廣廟宮而大之又為重門共二十九楹碧瓦雕甍丹堊圭潔煥然一新是歲之五月肇工落成則五年五月也僉謂興修之事宜刻諸石余惟守令之事莫大于治民事神侯之為



縣祗慎厥職梳紛剔垢公無廢事庭無留訟而  
又大新是廟致謚於神明且費出群頭不科于  
民工以直備不擾于衆事神治民兩得其道侯  
之政于是乎為可書也嘉靖三十九年燬四十  
二年令魏濟民重建萬曆九年令周詩建棚二  
十七年令孫琰建獻殿兩廊規制愈壯麗矣  
八蜡廟舊在十方院嘉靖間改置社稷壇內  
齊王廟在舜王坪上宋元祐八年重建  
湯王廟在丹山上古栢數株石上有人馬足跡

馬

唐牧童廟一在故城村宋天聖間重修一在剪  
桐坊宋天聖六年建後晉封興安王宋封汾東  
王宋太宗令張伯玉有詩云廟中桐葉手中文  
閑讀高碑拂素塵異隴歸禾曾是主徒林射兕  
獨留神關河莫問周秦事花木誰分漢魏春惟  
有門前舊溪水秋風鷗咽送行人宋資聖殿大  
學士呂惠卿詩云剪葉疏封意歸禾協濟心遺  
風固唐遠積德求周深逝水悲興廢浮雲閱古



今祠宮尚翬翼鳴玉激於陰元延祐七年里人  
柴五復修之

衛莊公廟在廟下村衛蒯賁出奔翼教民以桑  
麻之利民為立廟元大德八年重修

介之推廟在覆釜山見山川志

魏武子廟在武子官庄村

漢文帝廟在感軍村東南嘉靖三十七年重修  
邑人錢士聰有記云邑西鄙有屯曰感軍廟祀  
漢文帝於釵股泉澳閱歲既久莫知所昉稽諸

麗牲之石元延祐間我朝永樂成化間咸一

加葺焉嗣是以後歲月之淹泊風雨之灑拂村  
童客子之流憇昔之巋然者泮就頽然矣村耆  
譚維宗憂之且狹小其制度以為非顧成遺意  
也思廣而新之回謁諸守守下其議於令令建  
之遂集鄉人之願新者差其貧富而盈縮取之  
酌厥工費乃創大殿十楹起於故殿之頽隙地  
其西序門陞暨諸垣墉悉加藻飾視昔廟制煥  
然改觀矣鳩工於壬午之夏底績於辛卯之冬



蓋一時之義舉也丙午歲莫平臯子以後便還  
省將之京道出廟後繼宗氏邀而瞻謁焉固請  
為之記平臯子曰新廟之績可記也若知建廟  
之意乎蓋取其禋於俗非謂其神於泉也泉之  
說恍惚不經而邑俗之儉則魏風唐風可考也  
夫以儉倍而民皆食力苟受泉之惠必思報泉  
之功必求可以主泉之祀者而主泉之祀舍帝  
之儉德有禋於倍者奚以哉况漢輿地翼為股  
肱邑其民在當時濡帝之化也深故其在後世

思帝之德也遠孰謂廟之建非收其禋於倍乎  
昔聖人之制祀也有功必有報有報必有主有  
主必有德少皞之於春炎帝之於夏太昊之於  
秋顓頊之於冬主厥祀也以德之有禋於時也  
然則帝之主泉祀獨非是類乎今芳泉之於田  
其浸不逾頃許是亦儉意也以帝主之允協聖  
人制祀之意矣伏臘之有事也事畢而燕燕極  
而歡必相誼曰帝也天子也何求弗得何敬弗  
遂顧乃諄諄於田租於儲蓄於孝弟力田也後



宮衣皂絺殿帷集書囊惜十家之產羅千金之  
墓猶且如是其儉也是以先庇炎祚而休垂萬  
世吾儕小人可不師其儉以自勵乎思其居思  
其憂真若詩人之所謂者不敢以好樂荒也是  
以吾邑之民世無流離出鄉之苦未必非帝之  
遺澤也乃今則不然朴風既鏤倍尚日侈愚者  
佞神而覬福照者藉神而竊賄闔宮之像率多  
不六非惟不協聖人之制抑且不知昔人建廟  
之意矣無他不經之說倡之也何說邑來曰帝

訪河上翁奉其母薄太后以行至今泉所軍之  
渴不得水太后感而植釵於地泉遂湧焉故泉  
名釵股而此曰感軍殊不知天子行儲峙備衛  
士之哺啜郡邑之供給也豈有不得水者乎爽  
據外傳附會奉母之文其誕而不足信也章章  
矣余嘉維宗氏新廟之績因著昔人建廟之意  
且以破邑乘植釵之說或曰植釵淮陰侯伐魏  
後遜于翼時也未審然歟姑記以俟博雅者質  
之



泰山廟一在北門外水清鎮西北隅嘉靖十一年祭政吳廷翰改為書院二十三年令鄢桂枝立射圃於其內今復為廟一在石橋里

后土廟一在城東門內元太宗七年商酒督監尚利賓重修一在東河下

喬澤廟一在翔臯山上古栢鬱茂有泉水一在灤池前俗稱灤將軍廟唐大曆二年令韓佑重修宋大觀四年賜廟額曰喬澤政和元年令田灝重修有記云距邑數十里群山迴抱獨缺其

西據高望之如珉然其亘於東南峯嶺奇秀崿嶭第鬱直起千仞干霄柱空突然而歆飛者翔臯也其下有泉混混數脉一瀉萬斛流波跳沫若驟若馳行溢灌溉利盡一川名翔臯之水也夫以山高水長貫參之壚為晉之望含畜靈氣朝為雲霓暮為風雨榮乎不可測其變化調漠然無神物以尸之可乎負山之趾枕泉之首地形隱嶙崗阜前起林樾蒙密烟霞蔽虧有廟奕奕像貌甚偉蓋翔臯之神也神有廟於境莫詳



其所自由唐大曆二年而后碑刻始著其載勝  
響之際卓絕奇異馥馥照人耳目一方之人祈  
嚮甚篤凡歲將有暎溢之變必辟詣而禱焉不  
旋踵輒應故翼民每時以為無恐及圖報謝益  
虔不急牲牢之饋簫鼓之聲駿奔狎至然自始  
距今垂數千百年曾未有以神之靈迹暴于上  
以求祠額者大觀四年邑宰王君通始合邑人  
之願撮神饗應之實以聞於郡以其事列于外  
臺請于朝廷時上方興禮樂致太平懷柔百神

無文咸秩凡群祀之在萬國初未有封爵者咸  
加賜廟額以貴寵之况所謂山川之神尤有功  
德于民者耶遂可其奏以明年六月六日賜名  
曰喬澤之廟子時王君去邑而灝承之迺翌日  
率僚佐具牲幣之奠以告而揚賜額於廟之前  
頃之耆耄士女填溢阡陌仰瞻咨嗟願益新廟  
宇以侈天子之賜俄而有挽金錢運瓦甃施藻  
繪者響荅影從若恐居後是日也泉石草木悅  
若動色先一日天宇祥澄有白雲數十片團團



起于東山之麓狀如連珠並山相屬而南聚于  
祠上久之不散灝時與客登縣居東軒而望心  
獨愛之然不可為異也越明日而廟額至自京  
師豈渙汗之頒神固前知雲車洩洩來顧來享  
將受職天子而不敢後歟吁是可異也是歲春  
方閏雨二麥將稿而一霈十日更以稔聞迄于  
秋成五穀滋熟藁復倍入戶有餘糧或者謂神  
陰為之祐則非耶於是邑人相與伐石攻文為  
記嘉靖二十四年令鄢桂枝增修之御史汝南

喻時有題云山曲樵兒逕天涯使者車采風  
曠野訪古過遺墟池湧波聲急霜凋木葉疎凌  
虛何所戀只在紫微居 雲護龍宮濕煙間蜃

閣光玉壺涇日月金液散池塘浴客三冬煖田  
翁六月涼潺湲村裏去誰識帝家祥

閔王苗一在鍾樓南院署後元皇慶元年令劉  
方建明嘉靖二十四年令鄢桂枝萬曆十年令  
周詩哲加修葺一為旌忠廟在唐城坊明鄉官  
張鉞督修之一在石牌坊東街北



清順治十年重修一在木四牌坊西街北明萬曆二十六年建餘北關東西兩門外俱有畝華池在唐開元十八年勅修一在羊角山北峯曰華池嘉澍侯一在羊角山南峯曰平祐大將軍宋開寶六年重修校書郎李承翰有記風雨神廟在四望村舊志云唐李靖嘗宿此山中夜半雷風大作雨下如注後人立廟祀之一在東王里西北隅真武廟在唐城坊萬曆七年建

后土廟在城東門內未知創于何代內有栢數株甚古元太宗七年商酒都監尚利賓重修明萬曆十三年於正殿後創建梳粧樓一座鄉耆劉東郊楊大湖等督修之為翼偉觀年來風雨圯

清順治五年重修祀前增麗一在東河下

三皇廟在縣治後明崇禎元年創建

清順治二年就隙地增拓之

王皇廟在北門外明崇禎八年教諭蔡汝封督建



三元廟在北門外橋東明萬曆年創建

馬王廟在鍾樓北路東明崇禎十二年創建

何二將軍廟一在北門內大街東一在東河下  
清順治七年闔縣公建一在南常村餘鄉多有

之